

სსიპ. ქარელის მუნიციპალიტეტის სოფელ ბრემის საჯარო სკოლის

შენობის მოწყობის სამუშაოების გამარტივებული ელექტრონული
ტენდერით შესყიდვის სატენდერო
დოკუმენტაცია

(CPV45400000)

სარჩევი

1. ინფორმაცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. აფიდავიტის საილუსტრაციო ფორმა (დანართი №1)
6. ტენდერში მონაწილის მიერ წარმოსადგენი ინფორმაცია (დანართი №2)
7. საბანკო გარანტიის ფორმა (დანართი №3)

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში შესყიდვების პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ (შემდგომში - წესი) შესაბამისად (იხ.: <http://procurement.gov.ge/>)

2. ტექნიკური დოკუმენტაცია

2.1. საკვალიფიკაციო მონაცემების დასაკმაყოფილებლად წარმოსადგენი დოკუმენტაცია (შემსყიდველი ორგანიზაცია მიმწოდებელს ქვემოთ ჩამოთვლილი საკვალიფიკაციო მონაცემების დასაკმაყოფილებლად დოკუმენტაციის წარმოდგენას სთხოვს სატენდერო დოკუმენტაციასა და ხელშეკრულების პროექტში მითითებული ვალდებულების ჯეროვანი შესრულების უზრუნველყოფის მიზნით. აუცილებელია რომ მიმწოდებელი იყოს გადახდისუნარიანი სუბიექტი და ქონდეს ვალდებულების შესასრულებლად აუცილებელი მატერიალური რესურსი):

2.1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა სსიპ - საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

2.1.2. ფიზიკური პირებისათვის:

ა) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;

ბ) პირადობის დამადასტურებელი დოკუმენტის ასლი.

2.2. ამ პუნქტის 2.1. ქვეპუნქტით გათვალისწინებული ადმინისტრაციული ორგანოებიდან წარმოსადგენი დოკუმენტები გაცემული უნდა იყოს ტენდერისთვის „ტენდერი გამოცხადებულია“ სტატუსის მინიჭების შემდეგ.

2.3. ამ პუნქტის 2.1. ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, სისტემის გამოყენების გარეშე, საქართველოს კანონმდებლობით დადგენილი ფორმით, სატენდერო კომისიის მიერ განსაზღვრულ ვადაში უნდა იქნეს წარმოდგენილი შემსყიდველ ორგანიზაციაში. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას. პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობითაც, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის. ხელშეკრულების ხელმოწერის მომენტისათვის საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენლობა გამოიწვევს დისკვალიფიკაციას წესის მე-13 მუხლის მე-2 პუნქტის „ე“ ქვეპუნქტისა და მე-16 მუხლის მე-6 პუნქტის „გ“ ქვეპუნქტის საფუძველზე. არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს წესის მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა. არარეზიდენტმა პრეტენდენტმა უნდა წარმოადგინოს თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტმა ერთიან ელექტრონულ სისტემაში უნდა ატვირთოს:

ა) მონაცემები (რეკვიზიტები) ტენდერში მონაწილის შესახებ, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა პროცენტულად და მისი მოქმედების ვადა დანართი №2-ის შესაბამისად;

ბ) დადასტურება, რომ იგი ეთანხმება სატენდერო დოკუმენტაციაში მოცემულ ყველა პირობას;

გ) შესყიდვის ობიექტის ფასების ცხრილი - „დეფექტური აქტის“ მიხედვით;

დ) შესყიდვის ობიექტის მიწოდების ვადების გეგმა - გრაფიკი;

ე) პრეტენდენტს 2011 წლიდან აღნიშნული ტენდერის გამოცხადებამდე შესრულებული უნდა ქონდეს ჯამურად 150 ათასი ლარის ღირებულების მსგავსი ტიპის სამუშაოები რაც დადასტურებული იქნება შესაბამისი დასკანერებული დოკუმენტაციის(მიღება-ჩაბარების აქტი) წარმოდგენით.

2.5. ანგარიშსწორების პირობები:

2.5.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის, მათ შორის დღგ-ს გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

2.5.2. ანგარიშსწორება მოხდება უნაღდო ანგარიშსწორებით ლარებში, მიღება-ჩაბარების აქტის ან/და ანგარიშფაქტურის გაფორმებიდან არაუგვიანეს 15 (თხუთმეტი) სამუშაო დღის განმავლობაში;

2.5.3. შესყიდვის ობიექტზე ან მის ნაწილზე, მიღება-ჩაბარება გაფორმდება მიმწოდებლის მიერ ფორმა №2 წარმოდგენისა და მასზე საექსპერტო დასკვნის შედგენის შემდეგ.

2.5.4. საექსპერტო მომსახურების ხარჯების ანაზღაურებას უზრუნველყოფს შემსყიდველი საკუთარი სახსრებით.

2.5.5. იმ შემთხვევაში, თუ მიმწოდებელი მოითხოვს საექსპერტო მომსახურების ჩატარებას კანონმდებლობით დადგენილი დაჩქარებული წესით, მიმწოდებელი ვალდებულია გადაიხადოს სხვაობა დაჩქარებული და ჩვეულებრივი მომსახურებების საფასურებს შორის.

2.5.6. მიმწოდებლის მოთხოვნის შემთხვევაში, შესაძლებელია წინასწარი ანგარიშსწორების (ავანსის) გამოყენება, თუ მიმწოდებელი შემსყიდველ ორგანიზაციას წარუდგენს წინასწარ გადასახდელი თანხის ოდენობის საბანკო/სადაზღვევო გარანტია. ავანსად მოთხოვნილი თანხის რაოდენობა არ უნდა აღემატებოდეს სახელშეკრულებო თანხის 30%. საავანსო თანხის საბანკო/სადაზღვევო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული შესყიდვის ობიექტის მიწოდების საბოლოო ვადას.

2.6. ხელშეკრულების უზრუნველყოფის საშუალებად გამოიყენება საბანკო გარანტია ხელშეკრულების საერთო ღირებულების 5%-ის ოდენობით, დანართი №3-ის მიხედვით, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული შესყიდვის ობიექტის მიწოდების საბოლოო ვადას.

2.7. შესყიდვის ობიექტის ტექნიკური დავალება:

2.7.1. შესყიდვის ობიექტია სსიპ ქარელის მუნიციპალიტეტის ბრემის საჯარო სკოლის შენობის მოწყობის სამუშაოების განხორციელება;

2.7.2. შესყიდვის ობიექტის ტექნიკური პარამეტრები, აღწერილობა და ჩამონათვალი: იხილეთ მიმაგრებულ დოკუმენტში - „დეფექტური აქტი“;

2.7.3. მიმწოდებელმა შესყიდვის ობიექტის მიწოდება უნდა მოახდინოს ხარისხიანად და გაითვალისწინოს შემდეგი:

ა) მინიმუმად დაიყვანოს სამუშაოების შედეგად გამოწვეული ხმაურის, ვიბრაციის და მტვერის გავლენა;

ბ) სამუშაოების პარალელურად, საკუთარი ძალებით და სახსრებით პერიოდულად გაათავისუფლოს სამუშაო ადგილი სამშენებლო ნაგვისაგან და ნარჩენი მასალებისაგან (პერიოდების ხანგრძლივობა არ უნდა აღემატებოდეს 10 კალენდარულ დღეს);

2.7.4. მიმწოდებელმა უნდა უზრუნველყოს შესყიდვის ობიექტის მიწოდება ხელშეკრულების დადებიდან 30 დღის ვადაში

2.7.5. შესყიდვის ობიექტზე უნდა ვრცელდებოდეს მინიმუმ 5 (ხუთი) წლიანი საგარანტიო ვადა, რომლის განმავლობაშიც მიმწოდებელი ვალდებულია განახორციელოს შესყიდვის ობიექტის შეკეთება ან შეცვლა შემსყიდველის მხრიდან რაიმე დამატებითი ხარჯის გაწევის გარეშე. საგარანტიო ვადაში წარმოქმნილი ხარვეზი უნდა აღმოიფხვრას შემსყიდველის შეტყობინებიდან გონივრულ ვადაში, მაგრამ არაუგვიანეს 15 დღისა;

2.7.6. შესყიდვის სავარაუდო ღირებულებაა 63810 (სამოცდასამათას რვაას ათი) ლარი;

2.7.7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

ტენდერთან დაკავშირებული ყველა დოკუმენტია ანდა ინფორმაცია წარმოდგენილი უნდა იქნეს ქართულ ენაზე. დოკუმენტების უცხო ენაზე წარმოდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართ სატენდერო კომისიის აპარატს. საკონტაქტო პირ(ებ)ი ირმა ხარაზიშვილი 599990540.

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი არის სახელმწიფო შესყიდვის შესახებ ხელშეკრულების პროექტი, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება შეიძლება პრეტენდენტთან ხელშეკრულების გაფორმების პროცესში

----- 201- წელი

ერთის მხრივ,----- საჯარო სკოლა (შემდგომში - შემსყიდველი) წარმოდგენილი მისი დირექტორის----- სახით და მეორეს მხრივ ----- (შემდგომში - მიმწოდებელი) წარმოდგენილი მისი დირექტორის ----- სახით სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, გამარტივებული ელექტრონული ტენდერის საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

მუხლი 1. ტერმინთა განმარტებები

1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტიურთ.

1.2. შემსყიდველი - ორგანიზაცია, რომელიც ახორციელებს შესყიდვას.

1.3. მიმწოდებელი - პირი, რომელიც ასრულებს შენობის მოწყობის სამუშაოებს ხელშეკრულების ფარგლებში.

1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.5. დღე, კვირა, თვე - კალენდარული დღე, კვირა, თვე.

1.6. ფორსმაჟორი - მოცემულ შემთხვევაში აუცილებელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გათვალისწინებულ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2. ხელშეკრულების საგანი

2.1. ხელშეკრულების საგანია შენობის მოწყობის სამუშაოების (CPV -----, სატენდერო განცხადების ნომერი - -----) შესყიდვა ამ ხელშეკრულებით გათვალისწინებული ანაზღაურების სანაცვლოდ.

2.2. ხელშეკრულების საგნის აღწერა მოცემულია „დეფექტურ აქტში“, რომელიც წარმოადგენს ხელშეკრულების განუყოფელ ნაწილს.

მუხლი 3. ხელშეკრულების საგნის ღირებულება

3.1. ხელშეკრულების საგნის საერთო ღირებულება შეადგენს ----- ლარს.

3.2. ხელშეკრულების საგნის საერთო ღირებულება მოიცავს მიმწოდებლის მიერ სამუშაოების შესრულებასთან დაკავშირებულ საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

მუხლი 4. მიღება-ჩაბარება და ანგარიშსწორება

4.1. შესყიდვის ობიექტის ან მისი ნაწილის მიღება დასტურდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტით ან/და ანგარიშგაქტურით. შემსყიდველის მხრიდან მიღება-ჩაბარების აქტისა ან/და ანგარიშგაქტურის ხელმოწერაზე უფლებამოსილია წინამდებარე ხელშეკრულების 7.1. პუნქტში მითითებული პირი.

4.2. შესყიდვის ობიექტზე ან მის ნაწილზე მიღება-ჩაბარება გაფორმდება მიმწოდებლის მიერ ფორმა №2 წარმოდგენისა და მასზე საექსპერტო დასკვნის შედგენის შემდეგ.

4.3. საექსპერტო მომსახურების ხარჯების ანაზღაურებას უზრუნველყოფს შემსყიდველი საკუთარი სახსრებით.

4.4. იმ შემთხვევაში, თუ მიმწოდებელი მოითხოვს საექსპერტო მომსახურების ჩატარებას კანონმდებლობით დადგენილი დაჩქარებული წესით, მიმწოდებელი ვალდებულია გადაიხადოს სხვაობა დაჩქარებული და ჩვეულებრივი მომსახურებების საფასურებს შორის.

4.5. მიმწოდებელთან ანგარიშსწორება მოხდება ეტაპობრივად, მიღება-ჩაბარების აქტის საფუძველზე, ფაქტიურად შესრულებული სამუშაოს ღირებულების შესაბამისად.

4.6. ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე, საექსპერტო დასკვნის საფუძველზე მიღება-ჩაბარების აქტის აქტის გაფორმებიდან 15 (თხუთმეტი) სამუშაო დღის ვადაში.

4.7. წინასწარი ანგარიშსწორების (ავანსი) თანხა შეადგენს სახელშეკრულებო თანხის არაუმეტეს 30%. აღნიშნული თანხაზე გაცემული საბანკო/სადაზღვევო გარანტიის მოქმედების ვადაა 30 კალენდარული დღით უნდა აღემატებოდეს სამუშაოების შესრულებისათვის განსაზღვრულ ვადას.

4.8. წინასწარი ანგარიშსწორების (ავანსი) თანხა ჩაითვლება ხელშეკრულების საგნის საერთო ღირებულების ანგარიშში.

მუხლი 5. სამუშაოს შესრულების ადგილი და ვადა

მიმწოდებელი შესყიდვის ობიექტის მიწოდებას უზრუნველყოფს ხელშეკრულების დადებიდან (-----) დღის ვადაში, შემსყიდველის მისამართზე (-----).

მუხლი 6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები.

6.2. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულებები;

ბ) მინიმუმადე დაიყვანოს სამუშაოების შედეგად გამოწვეული ხმაურის, ვიბრაციის და მტვერის გავლენა;

გ) სამუშაოების შედეგად დარჩენილი დაზიანებული ადგილები დაამუშაოს შესაბამისად და მოიყვანოს პირვანდელ მდგომარეობაში (ამოლესვა, შეღებვა);

დ) სამუშაოების პარალელურად, საკუთარი ძალებით და სახსრებით პერიოდულად გაათავისუფლოს სამუშაო ადგილი სამშენებლო ნაგვისაგან და ნარჩენი მასალებისაგან, პერიოდების ხანგრძლივობა არ უნდა აღემატებოდეს 5 (ხუთი) კალენდარულ დღეს;

ე) გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

მუხლი 7. ხელშეკრულების ინსპექტირების პირობები

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს სკოლის დირექტორი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე შესრულებული სამუშაოს ხარისხის შემოწმებას.

7.3. მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. შემსყიდველის ინიციატივით, ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4. ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 8. გარანტია

8.1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი და დადგენილი სტანდარტების შესაბამისი.

8.2. საგარანტიო ვადა შეადგენს 5 (ხუთი) წელს, რომლის განმავლობაში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა, რაც დაკავშირებულია შესრულებული სამუშაოს ხარისხთან.

8.3. საგარანტიო ვადაში წარმოქმნილი ხარვეზი უნდა აღმოფხვრას შემსყიდველის შეტყობინებიდან გონივრულ ვადაში, მაგრამ არაუგვიანეს 15 (თხუთმეტი) დღისა.

8.4. მიმწოდებლის მიერ 8.3. პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯების ანაზღაურება.

მუხლი 9. ფორსმაჟორი

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორსმაჟორით.

9.2. თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

მუხლი 10. სუბკონტრაქტორები

10.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის ან შეცვლის შესახებ (სუბკონტრაქტორის აყვანის აუცილებლობის მიზეზების დასაბუთებით). სუბკონტრაქტორ(ებ)ის დასაშვებობის საკითხს წყვეტენ შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

10.2. ამ ხელშეკრულების ფარგლებში ყველა სუბკონტრაქტორთან დადებული ხელშეკრულების ასლი უნდა წარედგინოს შემსყიდველს.

10.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 11. ხელშეკრულების შესრულების გარანტია

11.1. ხელშეკრულების შესრულების უზრუნველსაყოფად გამოიყენება საბანკო გარანტია, ხელშეკრულების საერთო ღირებულების 5%-ის ოდენობით. მისი მოქმედების ვადა 30 დღით უნდა აღემატებოდეს შესყიდვის ობიექტის მიწოდების საბოლოო ვადას.

11.2. საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვანი შესრულების გამო.

11.3. საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მიმწოდებელს მხარეთა შორის ხელშეკრულების საგნის შესახებ მიღება-ჩაბარების აქტის გაფორმებიდან 5 დღის ვადაში.

11.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია, მიმწოდებლის მოთხოვნისთანავე დაუბრუნოს მას საბანკო გარანტია.

მუხლი 12. პირგასამტეხლო

12.1. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე, ხელშეკრულების საერთო ღირებულების 1%-ის ოდენობით.

12.2. იმ შემთხვევაში, თუ დაკისრებული პირგასამტეხლოს საერთო ოდენობა გადაჭარბებს ხელშეკრულების საერთო ღირებულების 10 (ათი) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

მუხლი 13. ხელშეკრულებაში ცვლილების შეტანა და ხელშეკრულების შეწყვეტა

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13.3. ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) თუ ცნობილი გახდა, რომ მიმწოდებლის საკვალიფიკაციო მოწაყენების დამადასტურებელი დოკუმენტები ყალბია;
- ე) საქართველოს კანონმდებლობით გათვალისწინებულ სხვა შემთხვევებში.

მუხლი 14. დავები, მათი გადაწყვეტის წესი და გამოსაყენებელი სამართალი

14.1. ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14.2. ხელშეკრულება დადებულია საქართველოს კანონმდებლობის შესაბამისად და მისი დებულებები განმარტდება საქართველოს კანონმდებლობის მიხედვით.

მუხლი 15. შეტყობინება

15.1. ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით ორიგინალის შემდგომი წარმოდგენით.

15.2. შეტყობინება ძალაში შედის ადრესატის მიერ მისი მიღების დღეს.

მუხლი 16. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახადების გადახდაზე.

მუხლი 17. ხელშეკრულების ენა

ხელშეკრულება შედგენილია ქართულ ენაზე სამ ეგზემპლარად. ერთი ეგზემპლარი ინახება მიმწოდებელთან, ორი - შემსყიდველთან.

მუხლი 18. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელმოწერის დღიდან და მოქმედებს 201-- წლის 31 დეკემბრის ჩათვლით.

მუხლი 18. სხვა პირობები

18.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

18.2 მესამე პირთან ურთიერთობაში მხარეები მოქმედებენ თავიანთი სახელით, თანხებით და რისკით.

18.3 მიმწოდებლის მიერ წარმოდგენილი შემსყიდველი ორგანიზაცია:

სატენდერო წინადადება და დანართები ერთვის ხელშეკრულებას და წარმოადგენს მის განუყოფელ ნაწილს. მიმწოდებელი:

მისამართი:

ტელეფონი:

საიდენტიფიკაციო კოდი: №

საბანკო რეკვიზიტები:

საბანკო კოდი:

ანგარიშსწორების ანგარიში:

ხელმძღვანელი

----- /-----/

მისამართი:

ტელეფონი:

საიდენტიფიკაციო კოდი: №

საბანკო რეკვიზიტები:

საბანკო კოდი:

ანგარიშსწორების ანგარიში:

ხელმძღვანელი

----- /-----/

აფიდავიტის საილუსტრაციო ფორმა დანართი №1

სატენდერო წინადადების დამოუკიდებლად განსაზღვრის თაობაზე გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;

• ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

• შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

მაგვეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლისსამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

დანართი №2

ტენდერში მონაწილის მიერ წარმოსადგენი ინფორმაცია

1. მონაცემები ტენდერში მონაწილის შესახებ:

1.1 იურიდიული პირებისათვის:

ა) იურიდიული პირის სახელწოდება და სამართლებრივი ფორმა;

ბ) ხელმძღვანელის სახელი და გვარი;

გ) მისამართი (იურიდიული/ფაქტიური);

დ) საიდენტიფიკაციო კოდი;

ე) ტელეფონის ნომერი, ელ.ფოსტის მისამართი;

ვ) ბანკის კოდი, ანგარიშსწორების ნომერი.

1.2. ფიზიკური პირებისათვის:

ა) სახელი და გვარი;

ბ) მისამართი (რეგისტრაციის/ფაქტიური);

გ) ბანკის კოდი, ანგარიშსწორების ნომერი.

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

3 ხელშეკრულების უზრუნველყოფის საბანკო გარანტიის ოდენობა პროცენტულად ინფორმაცია მისი მოქმედების ვადის შესახებ.

დანართი №3

ხელშეკრულების შესრულების საგარანტიო უზრუნველყოფა
(საბანკო გარანტია)
ვის:

(შემსყიდველის დასახელება)
მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია
მასზე დაკისრებული ვალდებულებების შესრულების გარანტიის სახით ხელშეკრულებაში
მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული
გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე
მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემოაღნიშნული თანხის გადახდას მიმწოდებლის მიერ ხელშეკრულების
პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____
გარანტების ხელმოწერა და ბეჭედი

(თარიღი)

(მისამართი)